

《中國地方藝文薈萃》編輯委員會 編

中華書局出版

中國地方藝文薈萃

集賢堂·第一輯 拾

華東卷・第一輯 拾

中國地方藝文薈萃

《中國地方藝文薈萃》編委會 編

第十冊目錄

居鄴詩徵十卷(三)

.....

居鄭詩徵十卷（三）

居鄭詩徵十卷（三）

（清）劉原道編

據清咸豐十一年（一八六一）劉氏蟄園活字本影印。

居鄭詩徵卷七

邑人劉原道笠僧編次

陳瑞鰲

字獻豐號叢齋諸生

擬郭璞遊仙

百川盡朝東白日行向西自非上智姿孰能察其倪秋
風振落葉春雨滋新黃榮悴自有時勞生獨棲棲不羨
朱鬢峻豈嫌蓬戶低至人達立化無我物自齊胡爲困
形役局促同醯雞

夙聞魯仲連卓犖天下士誓言恥帝秦欲蹈東海死蠻

觸苦紛爭過眼一彈指何須置尺喙況乃甘沒齒不見
張子房慷慨爲韓起晚節學輕身陰符猶敝屣雖師黃
石公終從赤松子

嵇康論養生揚雄草太玄皆期遠憂患而卒不免焉跡
其招禍由令各使之然神龜遘剗腸社櫟享大年毋取
適於時乃可全其天故知出世姿所急非才賢飛仙未
易學且當學頑仙

頑身無六翮安能遠遨遊客成肯顧我瓊笈遙相投赤
水有玄珠應從象罔求尻輪輿神馬一息八極周寄言
謝時輩汗漫凌丹邱

神仙何處所海中有蓬萊其下弱水環力不任纖埃丹
霞作城郭黃金作樓臺可望不可卽天風引船回麻姑
過蔡經淺酌流霞杯邂逅得目成使我心顏開羽駕返
鴻都一去不復來側身日東望目斷青鳥媒

微生寓寰中譬諸離鄉客遠近各有程要當返其宅迷
途稍徘徊已墮北酆籍性命究圭旨舍此豈良策慧深
悟必蚤誠至神可格蓬山產瑤草玉池涌靈液願師安
期生相從煉五石

浮邱釣臺放歌

焦湖曲折東南奔石磯小峙爲之門磯如平臺石齒齒

云昔浮邱釣於此浮丘王喬皆古仙金庭石室曾流連
相將跨鶴去不返遺踪惆恍迷蒼烟祇今不見絲綸餌
但見平川一泓水春風淡蕩泛淪漪秋月澄鮮映清泚
丈夫出不願應龍鬣占退猶得與麋鹿友客星長照富
春江下視雲臺亦何有自古神仙半隱淪許由巢父定
何人安期本是秦遺老梅福原爲漢逸民浮丘浮丘已
長往釣臺咫尺窮幽敞閑來無事此垂綸坐聽陽鱉撒
波響

陶進賢

字席珍諸生

誦白樂天繞郭荷花三十里之句有懷杭州景物

澄湖處處愜遊蹤憶到南屏聽晚鐘繞郭香生三十里
拂船花過萬千重棲霞嶺外霞尤豔涵碧橋頭碧更濃
一自香山銷夏後不知西子爲誰容

斷句 遠山雲樹新圖畫流水人家舊板橋

偕友人游清淨菴

單嘉謨

字錫光號雨村附貢生

秋吟

蕭瑟襟懷宋玉同雙肩笑聳苦吟工興餘秋水逍遙外
詩在黃花冷淡中秀語定參山骨瘦豪情還仗酒兵雄

風流彷彿蘇門嘯青眼何因遇阮公

牛山觀晚渡三首

選二首

牛山踞城腹晚望何蒼然湖流蓄城過時有上水船
城郭隱浮梁日夕更一啟但聽人聲喧孤帆出煙裏

陳瑞穀

字獻韶號晴湖布衣

秋夜讀書

聞說農夫尙有秋書田無稅足優游霜高玉宇涼如洗
風定銀河澹欲流千古業非歸將相百城雄可敵王侯
咿唔不覺寒更永倦起盜嫌屋打頭

黃本聰

字繡昀號石田布衣

初冬山中散步因至古氏淨室

小春聊散步野老笑尋芳
路人桃源遠花分庾嶺香
盤鷹下古戍深竹駐殘陽
不覺支棋處微鐘起上方

己巳花朝李嘯月招諸友及令子侄看桃花由城南登舟繞至北郭復登牛山野飲用花朝二字各賦二律

幽人雅興覽春華鎮日登臨路任賒
十里野桃迎好客一川新水盪明霞
芳園酒數追金谷寶樹風前認謝家
夜宴憑君重作序舊傳詞筆闢宮花

尋芳恰喜及清朝客子歸來趣更超
緩步人還橫短笛
高歌月爲駐青霄鶯花韋杜傳雙曲
金粉篇章艷六朝
聞到家丞秋實美漫吟翡翠戲蘭苕

太白樓

青山明月大江秋如此江山有此樓
自古奇才多不遇
似君生氣卻長留人間久失風騷主
天上真成汗漫遊
賀監倘來尋舊約金龜一醉抵封侯

唐 潔

字夢白號雪江志稱其工詩工畫著有雪江詩鈔
客游草太古山房小草行世陳古漁毅梓其詩入

所知集

弔里中何烈女

何烈女父業漁母結罟一家共辛苦女年十三四幽嫻
重閭里襁褓結絲蘿盤根仙李子郎年當娶娶未能女
年二十待嫁矣傷哉一貧乃至此歲在昭陽赤奮若暑
氣如焚赤日虐李郎病革藥不靈歟爾凶問傳閨閣閨
中未夕日已墨改容失步心愴裂徬徨不可言欲言聲
更咽河側吟成衛女詩眼中滴盡貞姜血一手牽阿娘
一手牽阿爺兒生未識郎死願住郎家女兒命薄無姑
嫠女兒生小知綱常上奉龍鍾王母之高堂下撫伶仃

垂髫之小郎庶幾郎心慰泉壤父兮母兮幸勿傷父母
聞女言肝膽一時碎親戚聞女言各各垂雙淚扃門堅
隄防女志竟不遂志不遂中心悲投繯絕粒空爾爲晝
夜輾轉十二時愁容頓斂安嚴慈一日復一日不聞女
太息對鏡無啼痕死志盟胸臆亂蓬爲鬢苧爲衣暗縫
針線層層密不作黃鵠歌只栽女貞木哭聲旣已機聲
續父母漸解雙眉蹙防者日益疏女志日益篤門前大
河堤河水清漣漪河水清可濁女志無改時河流不可
退父母焉得知女命鴻毛輕女節泰山重含笑赴河流
就義一何勇阿父朝出漁歸來日暮中閨虛阿母貪結

啞呼號失去掌中珠洋洋新漲高於屋奔湍脫筭萬聲
逐百計覓尸尸不得共嗟已葬江魚腹那知呵護有鬼
神水窟蛟鼉不敢毒此身終到李郎家死後相依從所
欲精靈感召河逆流

女距夫家里許皆濱河越兩晝夜逆流而抵夫家後戶

盛暑

三日顏如玉閨中友王家媛心知女獨深撫尸痛欲絕
生不同室死同穴女不能言我代說吁嗟乎死不如生
生如死世間尋常女子耳生不如死死如生身清如水
心愈清身清如水心愈清寒井波瀾萬古平

附錄鎮洋彭兆蓀湘涵所著何烈女碑銘

烈女何氏巢縣人也父業漁城南瀕河結茅撈蝦拘

蠟以供資糧女年十歲清英潔白誕含柔範許字同里李氏子承宗特雉雖聘盍酌未薦躬勤澣洗自課牙尺越乾隆五十八年六月二日承宗病沒女時年二十得報慟絕卽撒環瑱欲奔其喪父母阻之女益悲號勺漿溢米不入於口姑姊姪娣媿媿東廂輕塵弱草綢繆慰喻女終不怡乘夜自絞家人覺救而甦十一日父母他出勅衛稍懈女乃伺隙沈身於河濤濶渺瀰網撈不獲方愍逝魄永淪重淵乃以十三日夜二更尸忽浮出水面適當壻門壻家亦瀕河違距半里逆流而至止泊不去風波動盪若牢繫然引而